

宋
名
家
詞

近體樂府

目錄

朝中措

一調

滿庭芳

一調

謁金門

一調

點絳脣

三調

朝中措

二調

醉落魄

二調

西江月

二調

近體樂府目

汲古閣

近體樂府目錄

終

近體樂府

宋 周必大

朝中措

勸酒

藥成臺上曉書雲黃色映天庭已謝浮名浮利
也知來應長生 邊庭臥鼓餘糧棲畝朝野歡
聲從此四時八節兄弟常醉金觥

滿庭芳

子中兄自安仁遣書云將以重九登高祝融峯且有借瓊珮霞裾之

語戲往閣以解嘲

近體樂府

汲古閣

天壤茫茫人心殊觀未免因欠思餘太山丘垤
同載一方輿邛夏長沙不溼祝融峯纔比吾廬
秋風冷攀緣汗浹應歎苦區區登高聊爾耳
何須蠟屐誰暇膏車點存處清都宛在須臾笑
約藥鸞羽客窺倒景拊掌崎嶇歸來把萸囊菊
盞一爲洗泥塗

謁金門

和從周宣教韵祝千歲
壽請呼設馬二生歌之

梅乍吐趁壽席香風度人與此花俱獨步風流

天付與 好在青雲岐路願共作和羹侶
歸訪 赤松辭萬戶鸞花猶是主

點絳脣

葛守坐上出點絳脣道
忠歸之意走筆次其韵

報畬風光滿傾瓊液休息睡亂鸞聲碎來往甘
棠底 太守新詞解釋無窮意高歌起浮雲閒
事渾付煙中翠

又

丁亥九月己丑赴池陽
郡會坐中見梅花賦

白江梅信大都玉斲酥凝就雨肥霜逗癡騃闌

房秀 莫待冬深雪壓風欺後□□□却嫌伊
瘦仍怕伊憊憊

又

七夜趙富文出
家姬小樓再賦

秋夜藥槎客星容到天心處眼波微注將謂牽
牛渡 見了還非重理霓裳舞都無誤幾年一
遇莫訝周郎顧

朝中措

賤生日蒙季懷示朝中措新詞今
借原韵以侑壽筭敬述雅志非泛

泛祝詞也

○戊子

月眉新畫露珠圓
今夕正相鮮
欲導唐家誕節
先生漢相韋賢
懸知此處鸞遷
春谷鸚在秋
天斑首算來旬歲狀頭看取明年

又

胡季懷以朝中措爲壽八月四日復次其韵季懷常以宰相自期故每戲之○

丑巳

九重深念朔庭空
良弼夢時中

季懷有時中堂擢第難

遵常制築岩真繼高風
明年東府金釵珠履

列鼎鳴鐘良醞儻分焦草
早禾休浸曹公

季懷近送

近體樂府

三

汲古閣

酒如醺語之則
云林名早禾酸

醉落魄

庚寅四月次江
西歸吳明可韵

山川迥別赤城自古雄東越鍾英儲秀簪紳列
何事黃扉殊未相黃髮如今袞職邴容缺人
心恰與天時合看看孚號彤庭發初破天荒留
與後來說

明可台州人自云
近世未有兩府

又

才高句傑飛黃却應鸞和節新詞聊卷波瀾闊

泉玉淙淨猶不比清切 相逢未穩愁相別南

園煙草南樓月陽關西出重吹徹垂柳新栽寧

忍便攀折

明可新
制南園

西江月

莫春魯氏坐上
次胡邦衡韵

三月群賢畢集二天五馬生光傳觴擊鼓底匆

忙画鷁將飛江上 魯國方虛兩社齊人要復

侵疆延英引對上東廊應念幽人相望

又

再賦
送行

藉甚新除刺史歸然舊殿靈光詔書催發權歌
忙沙路從今穩上 有喜刊除戎索無勞遠撫
閩疆曰高龍影轉槐廊想見清光注望

南渡而下詩之富實維放翁文之富實維益公先
輩爭仰為大家與歐蘇並稱但卷帙浩繁我

明尚未副棗余于寅卯間已鐫放翁詩文一百三十
卷有奇行世而益公省無諸稿二百卷僅得一抄

本句錯字滿未敢妄就剞劂倘海內同志或宗刻

或名家訂本肯不惜荊州之借俾平園史與渭南
伯共成漢壁真親林大勝事也茲近體樂府數闕
特以刺投耳先什之以當相徵券湖南毛晉識

近體樂府

終

竹垞詩餘

目錄

沁園春

八調

八聲甘州

一調

乳燕飛

三調

摸魚兒

一調

水龍吟

一調

喜遷鶯

一調

木蘭花慢

四調

滿江紅

三調

酹江月

二調

水調歌頭

二調

六州歌頭

二調

永遇樂

一調

傳言玉女 一調

清平樂 六調

眼兒嬌 三調

謁金門 五調

霜天曉角 四調

夜行船 一調

長相思 一調

烏夜啼 一調

祝英臺近 一調

鵲橋仙 四調

西江月 二調

憶秦娥 一調

定風波 一調

虞美人 三調

踏莎行 一調

蝶戀花 一調

好事近

一調

小重山

一調

醜奴兒

二調

夏漏子

一調

減字木蘭花

一調

臨江仙

三調

南鄉子

一調

鷓鴣天

三調

菩薩蠻

三調

浣溪沙

四調

山花子

二調

卜算子

一調

醉蓬萊

一調

醉落魄

一調

江城子

一調

訴衷情

一調

竹垞詩餘目

二

汲古閣

朝中措

二調

柳梢青

一調

滿庭芳

一調

竹垞詩餘目錄

終

竹垞詩餘

宋 黃 機

沁園春

奉東章史君
再遊西園

問訊西園一春幾何君今再遊記流觴亭北偷
拈酒戲凌雲臺上暗度詩闌略略花痕差差柳
意十日不來紅綠稠須重醉便功名了後白髮
爭休 定誰騎鶴揚州任書放牀頭醖瓮頭況
慇懃鸚鵡燕能歌更舞輕狂蜂蝶欲去還留歲月

易忘姓名須載筆勢翩翩回萬牛歸來晚有燭
明金剪香煥珠簾

又

六月云初入爭議公公無阻傷記傳飛急羽舟
泛海道瀾漫白水路入沙場萬姓三軍倚公爲
命法有逗遛公自當君還信似崔嵬砥柱屹立
瞿塘此行陰德難量到論定纔知滋味長看
魚肥蟹健妻孥共樂酒煇稻熟翁媪相將何以

報公祝公千歲多少人家燒夜香凌煙上更聲
名凜凜冠劔堂堂

又壽

問訊梅梢小春近也花應漸開記華堂此日紅
牙絲竹歡聲昨夜翠玉樽罍霧節童童金旂曳
曳人自閨風玄圃來嬉遊處任滄波變陸劫火
成灰行天看取龍媒笑衛霍當年如此哉有
筆頭文字何妨揮灑胸中兵甲解洗氛埃見說

君王防秋才子便著芝泥封詔催功名事付孱
顏燕石突兀雲臺

又

次音總
韓韻

日過西窗客枕夢回庭空放衙記海棠洞裏泥
金寶竿醺醺架下油壁鈿車醉墨題詩薔薇露
重滿壁飛雅行整斜爭知道向如今漂泊望斷
天涯 小桃一半蒸霞夏兩岸垂楊渾未花便
解貂貫酒消磨春恨星珠買笑酬當年華對面

青山招之不至說與浮雲休苦遮山深處見炊
煙又起知有人家

又

廖總幹
席上

暑風清微梅腮漸紅麥鬚未黃恨牡丹多病醫
治費巧醪醕易老點綴無方客裏光陰愁中意
緒想美人兮山水長銷凝處有龍絲墜簡來喚
持觴 華堂賸貯春光紫一行珠璣時樣粧夏
燕闌輕態詞翻古調顰嬌欲轉曲度新腔玉漏

聲沉銀潢影瀉滯酒猶燒心字香
歸來也判明虬永日瑞錦鴛鴦

又

爲潘彬
州壽

問訊仙翁因勤爲底來萬山中想
橘邊丹井鶴尋舊約松間碧洞
鹿養新茸霧節亭亭星旂曳曳
導以浮丘雙玉童嬉遊處盡祥
煙瑞雨霽月光風歡聲已與天
通更日夜彬江流向東定催
歸有謂泥香芝檢畱行無計
路熟花驄入侍

巖凝密陪清燕吳水歡然相會逢年年裏對春
如酒好酒似春濃

又

送徐孟堅
秩滿還朝

人物眇然落落曉星如君幾何有飄搖長袖工
持月斧寂寥遺韵妙鼓雲和政事文章特其餘
事英氣橫空時浩歌還堪笑似龍文古鼎誰復
摩挲 青絲繫馬庭柯爲小駐壽君金叵羅說
一時偉望齊高岳麓二年遺愛拍滿湘波世事

多端細憑商畧痛處不須言語多從今去好經
從烏府躡上鑾坡

又

送趙運使
之江西

有美一人背在何居今方見之儼瓊纓翠弁氣
清芬只珠幢絳節光陸離今吾道非耶世情復
余天驥昂藏不受羈還知否定曲高寡和才大
難施行吟湘水之濱看雲卷雲舒無定姿想
粲然長笑物皆有用時哉易失我亦奚爲袖手

旁觀何如小試欲脫囊中失利雖君休歎正梅
花將發塵滿征衣

八聲甘州

爲遲
至壽

問仙翁底事到人間人間足嬉遊向文邊書意
詩邊著語口滿南州逸韻高情總似野水蕩孤
舟所未能忘者藥鼎茶甌政恐功名相混便
扶搖直上龍尾螭頭想塵緣終薄歸去老菟裘
有當年東鄰西舍辦雞豚相與燕春秋階庭裏

兒孫衮衮飛度驂駟

乳燕飛

次音總
幹韵

擊碎珊瑚樹爲開春怕春欲去駛如風雨春不
畱兮君休問付與流鶯自語但莫賦綠波南浦
世上功名花梢露政何如一笑翻金縷繫白日
莫教算蒼頭引馬城西路趁池亭荻芽尙短
梅心未苦小雨欲晴晴不定漠漠雲飛輕絮算
行樂春來幾度鞭影不搖鞍小據過橫塘試把

前山數雙白鷺忽飛去

又

次徐斯遠
韵寄稼軒

興潑元同宇喚君來浮君大白爲君起舞滿斑
斑功名洒淚百歲風吹急雨愁與恨憑誰分付
醉裏狂歌空漫觸且休歌只倩琵琶訴人不語
絃自語詩成更將君自賦渺樓頭煙迷碧艸
雲連芳樹艸樹那能知人意悵望關河夢阻有
心事牋天天許繡帽輕裘眞男子政何須紙上

分今古未辦得賦歸去

又

秋意今如許怪征鞍底事匆匆翩然難駐斗帳
屏圍山六曲怕見瑣窗欲算請誰伴梧桐疎雨
路入衡陽天一角夏山環水繞無重數客易口
便難阻相思纔信相思苦省疎狂迷歌殢酒
把人輕誤問取歸期何日是指點庭前幽樹定
冷蘊疎花將吐此去西風吹雁過家身心別後

安平否聊慰我至誠處

摸魚兒

惜春歸送春惟有亂紅撲救如雨亂紅也怨春
狼藉搵得淚痕無數腸斷處更喚起瓊鵲催發
長亭路征鞍難駐但脉脉含顰嗔人底事剛愛
逐春去闌干凭芳草斜陽凝竚愁連滿眼煙
樹墜鬆不理金釵溜鸞鏡一奩香霧花誰主悵
玉容寂莫口口春知否單衣嬾卸任門外東風

竹垞詩餘

七

汲古閣

流鶯聲裏盡日攪飛絮

水龍吟

晴江衮衮東流爲誰流得新愁去新愁都在長
亭望際扁舟行處歌罷翻香夢回呵酒別來無
據恨荼蘼吹盡櫻桃過了便只恁成孤負須
信情鍾易感數良辰佳期應誤才高自嘆綵雲
空詠凌波謾賦團扇塵生吟牋淚漬一觴慵舉
但丁寧雙燕明年還解寄平安否

喜遷鶯

香風亭上

平湖百畝種滿湖蓮葉遶堤楊柳冉冉波光輝
輝煙影空翠溼霑襟袖靜愜鄰雞啼午煥逼沙
鷗眠畫西園路更紅塵不斷蝶酣蜂瘦知否
堪畫處野薺蕪菁冒地鋪茵繡桃李陰邊桑麻
鼓裏斜曛酒帘誇酒竹寺小依山趾茅店平窺
津口春又晚正香風有客倚闌搔首

木蘭花慢

次岳總幹韵

歎鏡中白髮元不向酒邊栽奈詩習未除客愁
易感賸要安排浮名任他有命怕青山頗怪不
歸來出屋長松招鶴繞渠流水行盃浪驅羸
馬踏江淮幽夢苦相催甚狹路巖崎雄心突兀
誰忍徘徊此事正煩公等笑曹劉只合作興臺
我自人間屈曲青雲有眼休回

又壽

政胡塵滿野問誰與作堅城有老子行年平頭

六十無限聲名向來試陳大畧便羣兒啁哳耳
邊鳴爭識規模先定破羌終屬營平 吾心惟
有忠誠羞媚嫵做逢迎謂干戈鋒鏑動關民命
此不宜輕聽渠自分勇怯奈何他天理若持衡
只把從前不殺也應換得長生

又

次岳總
幹韵

問功名何處算只合付悠悠怕僮僕揶揄長年
爲客楚尾吳頭春來故園漸好似不應不醉把

春休贖買菱蒿荻笋河豚已上漁舟 人間太
半只閒愁蓑笠夢汀洲向桃花邊招邀同社
秉燭來遊連臺聽渠物倒更麴生元不厭誅求
世事翻雲覆雨滿懷何止離憂

又

曹文王前子自不與世人同沉地望旣華天資
更偉雲驥行空年少才名蜚動泛星槎曾到廣
寒宮桂子香濃秋月桃花浪煖春風 神仙之

說朦朧鉛與汞亦何功政磐石規模維城事業
倚重周宗休要碧油紅旆趁黑頭時節做三公
堂上雙親未老穩看金紫重重

滿江紅

呀鼓聲中又粧點千紅萬綠春試手銀花影粲
雪梅香馥歸夢不知家近遠飛帆正掛天西北
記年時歌舞綺羅叢憑誰續 煙水迥雲山簇
勞悵望傷追琢把蛛絲鵲喜意口占卜月正圓

時羞獨照夜偏長處憐孤宿悔從前輕被利名
牽征塵撲

又

萬竈貔貅便直欲埽清閭洛長淮路夜亭警燧
曉營吹角綠鬚將軍思下馬黃頭奴子驚聞鶴
想中原父老已心知今非昨狂鯢剪於菟縛
單于命春冰薄政人人自勇翹關還槩旗幟倚
風飛電影戈鋌射月明霜鏐且莫令榆柳塞門

秋悲搖落

又

雲暗山昏西風撼一天悲雨隱君問短牆修竹
故園何處九月江南無雁到素書封了誰傳與
待從頭拚却把心寬還如故吳姬唱燕姬舞
持玉掌溫瓊醕恨人生歡會一年幾許莫上小
樓高處望樓前詰曲來時路便直須足馬兩蒼
頭東歸去

醉江月

春愁幾許似春雲
藹藹連空無數口口
眉尖偏
易得沒箇因由分付
楊柳煙濃海棠花暗
綠漲
檣頭路小樓應是
有人和淚凝竚長記
寶軸
粧成鴛鴦繡幰輕
笑歌金縷香雪精神
依舊否
風月誰憐虛度帶減
衣寬十分顚顚兩下
平分
取黃昏可更子規聲
碎煙塲

又

東籬成趣有西風解事催開
叢菊碎摺黃金誰
試手一一清香堪掬露溼涼輕霞凝寒重秀發
如新沐宮粧勻就豈知紅紫龕俗因念昔日
淵明微官不受歸伴花幽獨彈壓秋光三徑裏
濁酒床頭初熟飲劇腸寬醉深吻燥更把綸巾
漉此翁無恙喚渠同醉船玉

水調歌頭

爲施少儀作

此日足可惜心事正崔嵬江淮踏遍經歲相識

定誰來每向酒邊長嘆更向花邊長笑意慮叵
能猜邂逅忽相遇有客在塵埃脫儒冠著武
弁太多才筆墨爭似鉤戟容易到雲臺餘子何
須轉手便把平生習臆勇去莫徘徊事業上金
石人世自權哀

又

次下洞流
孟亭作

金篆鑲岩穴玉斧鑿山湫飛泉濺沫無數六月
自生秋天矯長松千歲上有冷然天籟清響眇

難收亭屋創新觀客鞅棹還畱 推名利付飄
瓦寄虛舟烝炰釀秫醅瓮戢戢蟻花浮喚取能
歌能舞桑輿攜將高處盃酌薦崑球徑醉雙口
口白眼視庸流

六州歌頭

岳總幹槩括上吳荊州
啟以此腔歌之因次韵

百年忠憤無淚洒江濱曹劉事埋露草鏤煙榛
哭英魂此恨有誰知者時把劒頻看鏡徒自苦
拳破裂眼眇昏從古時哉去速鄆人子反袂傷

麟望家山何在哀哀已繫纓欲剡還生猛堪驚
膏肓危病寧有藥鍼七具獻無門荊州啟條
舊画漢將軍不已存便合囊封去倉庾地尙間
關此不用心漫有恐無干人世懽哀數耳天或
者又假人言又一番春盡高柳暗如雲夢斷重
閣

又

次岳總
幹韵

將軍何日去築受降城三萬騎貔貅虎戮鯢鯨

洗滄溟試上金山望中原路平於掌百年事心
未語淚先傾若若纍纍印綬偏安久大義誰明
倚危欄欲遍江水亦吞聲目斷蘋汀海門清
停盃與問焉用此手雖口積如京波神怒風浩
浩勃然興捲龍腥似把渠忠憤伸懇請翠華巡
呼壯士挽河漢蕩攬槍長算直須先定如細故
休苦縈縈正清愁滿抱鷗鷺却多情飛過鄧亭

永遇樂

章史君
帝上

竹垞詩餘

十四

汲古閣

別院春深華堂晝永嘉讌初啓翠玉樽罍紅牙
絲管睡鴨沉煙裏弄晴雲態行空絮影漠漠似
飛如墜最多情紫綵團就錯落亂星流地 史
君自有元龍豪氣喚客且休辭醉蝶困蜂酣燕
嬌鶯姹懽意濃如此侃其笑語止乎禮義衣佩
細紉蘭芷遙歸去殘夏欲盡曉鴉又起

傳言玉女

次岳總
幹韵

日薄風柔池面欲平還皺紋楸玉子礫礫敲春

畫衾繡半捲花氣濃熏香獸小團初試轆轤銀
甃夢斷陽臺甚情懷似病酒鳳奩羞對比年
時更瘦雙燕乍歸寄與綠牋紅豆邨堪又是牡
丹時候

清平樂

西園啼鳥畱得春多少客裏情懷無日好愁損
連天芳艸博山灰冷香殘微風吹滿銀箋卓
午花陰不動一雙蝴蝶團圓

又東邪
宰

曉窗晴日一點黃金橘萬事如毛隨日出多少
人間頭白未春長恨春遲春來生怕春歸辨
取羯天簫鼓莫教孤負荼蘼

又為繆推官壽。清
客繆之亭名也

煙融雨膩春去三之二了却蘭亭脩禊事判與
仙翁一醉方壺日月偏長清客花草吹香辨
取此身強健功名飽看諸郎

又

壽林守

釵頭蝴蝶趁舞梅邊雪
酒瀉黃滕光奪月
歲歲年年蕉葉
邊城鴛鴦喚春來
沙場馬到秋肥脫
却熊韜虎略換渠金甲牙旗

又

風韶煙膩春事三之二
說與人生行樂耳
富貴古來如此
西園已有心
期姚黃魏紫開時
纖指金荷漱澹香
唇銀竹參差

又

江上
重九

西風獵獵又是登高節一片情懷無處說秋滿
江頭紅葉誰憐鬢影淒涼新來更點吳霜孤
負萸囊菊盞年年客裏重陽

眼兒嬌

粉牆朱閣映垂楊晴綠小池塘東風颺暝單衣
初試晝日偏長
鬢鬆兩鬢飛雲影鈿合未梳
粧闌干側畔閒拋荔子驚散鴛鴦

又

東風挾雨苦無端
惻惻送輕寒
邨堪更向湘灣
六六淺處畱船
詩闌酒戲成孤負
春事已闌珊
離愁都在落花枝
上杜宇聲邊

又

莫嗔日日話
思歸歸也却便宜
東鄰招茗西鄰
喚酒一笑開眉
人生萬事無緣足
待足是何時
妻能紡績兒能畊
穫未必寒飢

謁金門

風又雨牆外落紅無數人不歸來春不住佳期
還已誤細細一團愁緒薄倖疎狂何處化作
青鸞飛得去問天天亦許

又

風雨後枝上綠肥紅瘦樂事參差團不就一春
如病酒樓外煥煙楊柳憶得年時攜手燕子
雙雙來未久頗知人意否

又

愁萬疊春在雨條煙葉翠袖倚風寒霎霎傍闌
看乳鴨何處一聲啼鳩架上荼蘼欲雪繡被
熏香香未歇可憐音信絕

又

壽何令

冬十月記取生申時節梅傍小春融絳雪淺寒
猶未却且醉笙歌蕉葉富貴不須頻說國太
夫人頭半白看君金印燁

又

秋晚口蕙
花爲賦

秋向晚秋晚蕙根猶煥碧染羅裙湘水淺羞紅
微到臉 窈窕繡簾圍遍月薄霜明庭院粧罷
寶奩慵不掩無風香自滿

霜天曉角

梅
花

玉粲冰寒月痕侵画欄客裏安愁無地爲徙倚
到更殘 問花花不言嗅香香欲闌消得个溫
存處山六曲翠屏間

又

儀真江上夜泊

寒江夜宿長嘯江之曲水底魚龍驚動風捲地
浪翻屋詩情吟未足酒興斷還續艸艸興亡
休問功名淚欲盈掬

又

金山吞海亭

長江千里中有英雄淚却笑英雄自苦興亡事
類如此浪高風又起歌悲聲未止但願諸公
強健吞海上醉而已

又

夜舟過
峨眉山

江涵落日風轉飛帆急問訊蛾眉好在無一語
送行客 閒情眠未得倚窗消酒力却怕魚龍
驚動且莫要夜吹笛

夜行船

京口
南園

紅濺羅裙三月二露桃開柳綿又起百尺遊絲
罨鶯畱燕判與南園一醉 歷歷斜陽明野水
倚危闌算雲千里說似遊人直須燒燭早晚綠

陰青子

長相思

蛾眉亭

東梁山西梁山占斷長江相對閒古今雙鬢斑
天漫漫水漫漫人事如潮多往還淺顰深恨
間

烏夜啼

雲容曉色相涵征驂碎點遙山山如豆是淮南
路漸遠家漸遠恨難堪見窗花葉底鬢毵毵

祝英臺近

試單衣扶短策沙路淨如洗乍雨還晴花柳自
多麗爭知話別南樓片帆天際便孤了同心連
理 鎮縈繫謾有羅帶香囊殷紅鬪輕翠一紙
濃愁無處倩雙鯉可堪飛夢悠悠春風無賴時
吹過亂鶯聲裏

鵲橋仙

次韵
湖上

黃花似鈿芙蓉如面秋事淒然向晚風流從古

記登高又處處悲絲急管
有愁萬斛有才八斗
慷慨時驚俗眼明年一笑復誰同料天遠爭
如人遠

又

壽葛宰

松梢擎雪竹枝溥露炯炯照人清
韵仙家譜系合長生
元不藉藥爐丹井
凌雲壯志坐天健
翻九萬扶搖路穩
發聞政最有公車定飛下日
邊音信

又

一番雨過江頭綠漲催喚扁舟解去重來言語
是相寬怎得似而今且住陽關聲斷同心未
綰簌簌淚珠無數秋鴻春燕往還時莫忘了錦
牋分付

又

薄情也見多情也見不似這番著相如何容易
買歸舟報南浦桃花綠漲隨君無計畱君無

計贏得淚珠兩行夕陽明處一回頭有人在高樓凝望

西江月

長洞庭
青艸

漠漠波浮雲影遙遙天接山痕一聲漁唱起蘋汀名利緣渠喚醒短棹擬攜西子長吟時吊湘靈白鷗容我作同盟占取兩湖清影

又

垂絲海棠一
名醉美人

燃翠低垂嫩萼勻紅倒簇繁英穠纖消得比佳

人酒入香肌成暈
簾幙陰陰窗牖闌干曲曲
池亭枝頭不起夢春醒
莫遣流鶯喚醒

憶秦娥

秋蕭索梧桐落盡西風惡
西風惡數聲新雁數
聲殘角
離愁不管人飄泊
年年孤負黃花約
黃花約幾重庭院幾重簾幙

定風波

短策飄飄勝著鞭
攜壺與客洗愁顏
興到爲君

拚劇飲狂甚論詩說劒口瀾翻 画燭燒殘花
影褪□□長鯨要使百川乾醉處不知誰氏子
只記開窗臨水僂迎山

虞美人

黃州江上
寄王帥

三年萬里黃塵路只欠江湖去扁舟二月下湘
灣過了洞庭青艸又春殘 □□□□□□□□□□

□□□□□□□□□□□□□□□□□□□□□□

□□□□

又

十年不作湖湘客
亭候催行色
淺山荒艸記當年
時篠竹籬邊羸馬向人嘶
書生萬字平戎策
苦淚風前滴
莫辭衫袖障征塵
自古英雄之楚
又之秦

又

雲情雨意纔端的
津鼓催行色
因緣雖淺是因緣
猶勝當初無分小畱連
劉郎雙鬢青堪照

君也方年少尊前不用苦沾衣
未信桃源別後路成迷

踏莎行

雲樹參差煙蕪平遠沙頭只欠飛來雁
西風方做一分秋淒涼已覺難消遣
窗底燈寒帳前香燠回腸偏學車輪轉
剗袞閒枕自無眠
蕉門更著梅花怨

蝶戀花

碧樹涼颼驚西扇窗戶齊開秋意參差滿先自
離愁裁不斷蛩螢更作聲聲怨山遶千重溪
百轉隔了溪山夢也無由見歸計憑誰占近遠
銀缸昨夜花如糝

好事近

鴻雁幾時來目斷暮山凝碧別後故園無恙定
芙蓉堪折休文多病廢吟詩有酒怕浮白不
是孤他詩酒更孤他風月

小重山

梧竹因依山盡頭瀟瀟疎雨後幾分秋輕涼無
數入西樓凭欄久滿眼動離愁飛鷺下汀洲
怕知鴻雁到帶書否詩闌酒戲一齊休人如削
身在水邊洲

醜奴兒

綠陰窗几明如拭粉黛初勻無限芳心翻動牙
籤却帶人多嬌愛學秋來曲微顫朱唇別後

銷魂字底依稀記指痕

又

綺窗撥斷琵琶索一一相思一一相思無限柔
情說似誰銀鈎欲寫回文曲淚滿烏絲淚滿
烏絲薄倖知他知不知

夏漏子

秋點長秋夢短怕見黃昏庭院風窸窣雨蕭騷
倚窗魂欲銷候蛛絲占鵲起依舊濃愁一紙

紅袖黝翠鈿鵲淚痕猶未乾

減字木蘭花

西風淅淅滿眼芙蓉紅欲滴無限相思百疊青山百曲溪憑誰說與衣帶別來寬幾許好片心腸不道秋來早晚涼

臨江仙

上巳清明都過了客愁惟有心知子規昨夜忽催歸驛程那復記魂夢已先飛回首故園花

與柳枝枝葉葉相思
歸來拚得典春衣
綠陰幽遠處
不管盡情啼

又

鳳翥鸞飛空燕子
寶香猶惹流蘇舊
歡淒斷數行書
終山方種玉
合浦忽還珠
午枕夢圓春寂寂
依然刻雪肌膚
覺來煙雨滿平蕪
客情殊索莫
肯喚一尊無

又

寒食清明都過了客中無計畱春東風吹雨更
愁人繫船芳艸岸始信是官身 悵望故園煙
水濶幾時匹馬駸駸別腸何止似車輪啼天天
不管轉作兩眉顰

南鄉子

簾幙闌深沉燈暗香銷夜正深花落画屏簷鳴
細雨岑岑滴破相思萬里心 曉色未平分翠
被寒生不自禁待得夢成翻惡況堪顰飛雁新

來也誤人

鷓鴣天

細聽樓頭漏箭移
客床寒枕不勝欹
淒涼夜角偏多眼
吹到梅花第幾枝
人間闊雁叅差相
思惟有夢相知
謝他窗外芭蕉雨
葉葉聲聲伴別離

又

元日呈王帥

柳際梅邊臘雪乾
釵頭蝴蝶又成團
飄零萍梗

江湖客冷落笛簫燈火天
澆濁酒惜流年牙
旗夜市幾時穿太平樂事終須在老去心情恐
不然

又

濟楚偏宜淡薄粧冰涵清潤玉生香祇因夢峽
成雲雨便擬吹簫誇鳳皇
新聞阻舊思量多
晴翻不似垂楊年年纔到春三月百計飛花入
洞房

菩薩蠻

池落開遍蓮房老秋聲已入梧桐表
葵扇與桃笙尚宜相帶行
危亭三百尺爽氣真堪挹
瀾茗且盤旋翩翩吾欲仙

又

相思繞遍天涯路相思不識行人處
多病怕逢春邨堪春正深
日高梳洗嬾鸞鏡香塵揜雙
鬢綠鬢鬆一簾花信風

又

惜山不厭山行遠
山中禽鳥頻驚見
小雨似憐春霏霏
容易晴
青裙田舍婦
饁餉前村去
溪水想平腰
喚船依斷橋

浣溪沙

舊刻誤入山花子二闕今分出

綠瑣窗前雙鳳奩
調朱勻粉玉纖纖
粧成誰解盡情看
柳轉光風絲裊娜
花明晴日錦爛斑
一春心事在睂尖

又

日轉雕欄午漏分
井梧落盡小窗明
寶床絲索
嬾關心
愁壓春山應脉脉
困凝秋水想沉沉
低頭時露一灣金

又

墨緣衫兒窄窄裁
翠荷斜鞦韆
領雲堆
幾時踪跡
下陽臺
歌罷櫻桃和露小
舞餘楊柳趁風回
喚人休訴十分盃

又

著破春衫走路塵子規啼斷不禁聞功名似我
却羞人 象板且須歌皓齒裘蹠何苦惜黃金
尊前休負此生身

山花子

送杜仲高

綠綺空彈恨未平可堪執手送行人碧酒謾將
珍重意莫辭斟 我定憶君吟渭北君須思我
賦停雲未信高山流水曲斷知音

又

流轉春光又一年
春愁盡日兩眉尖
草草幽歡能幾許
已天邊
會得音書生羽翼
免教魂夢役關山
簾捲落花千萬點
雨如煙

卜算子

東趙

憶自別郎時
數到郎歸日
及至郎歸郎又行
淚臉香紅溼
殘夢怕尋思
罽繡慵收拾
夏簾青背白
畫長背倚闌干立

醉蓬萊

壽史

政槐雲濃翠榴火殷紅暑風涼細紫府神仙向
人間游戲瑞節珠幢瓊纓寶珮炯冰壺標致經
濟規模登庸衣鉢家傳如此禮樂醇儒詩書
元帥盡洗凡蹤平吞餘子敬簡堂深且從容一
醉慶祉綿綿功名衮衮比衡山湘水更把陽和
從頭付與滿門桃李

醉落魄

藕花初發黑風庭院涼成雲碧紗金縷籠香雪
記得年時心事凭欄說 如今陡頓音書絕夜
窗羞見團團月錦囊塵暗黃金玦畱取多情歸
趁好時節

江城子

次洪如
晦韵

醉來玉樹倚風前舉吟鞭指青帘烏帽低昂搖
兀似藥舫傍路誰家粧束巧斜映日半窺簾
尋歡端合趁芳年對鵲絃且陶然紙上從渠劉

蹶與羸顛漠漠綠陰春復夏多少事總懸天

訴衷情

宿琴圻江上

子規聲老又殘春猶作未歸人天意不能憐客
何事苦教貧 歸去也莫逡巡好從今秧田車
水麥隴腰鎌總是關心

朝中措

駁雲行雨苦無多晴也快如梭春思正難拘束
客愁誰爲銷磨 尋花覓讖傳盃託意種種蹉

跼消息不來雲錦淚痕溼滿香羅

又

逢逢船鼓綠楊津彼此是行人先自離愁無數
邨堪病酒傷春岸花檣燕低飛欸語滿面慙
勤後會不知何日因風時惠嘉音

柳梢青

征路迢迢征旗獵獵征袖徘徊撲簌淚珠怕聞
別語慵舉離盃春風花柳齊開只喚做愁端

恨媒一片衷腸十分好事等待回來

滿庭芳

次仁和韵時
欲之官永興

二十年間舊遊踪跡夢飛岳麓湘灣征衫再理
秋老菊花天爲客問君何好愛水光山色爭妍
經行處旗亭酤酒曾記屋東偏噫其吾甚矣
不慚蹇拙欲鬪婢娟辦輕輿短艇強載衰顏人
道彬陽無雁奈情鍾藕斷絲聯須相憶新詩賦
就時復寄吳牋

草堂詩餘若干卷向未覩驚人目每秘一冊便
稱詞林大觀不知抹倒幾許騷人即如次仲幾
叔輩不乏寵柳嬌花燕脂顰等語何愧大晟
上座耶草堂集竟不載一篇真堪太息余隨得
本之先後次第付梨凡絳商緯羽之士幸無擲焉
秋分日湖南毛晉識

竹垞詩餘

終